

[www.BibleForChildren.org](http://www.BibleForChildren.org)

# Mataayo 8



Hano chaasiko ibhere chehetiri, :niiköruru anyangi e riirugha mo-moghya o Kana, mo-muköowa o Ghariraaya. Mwirugha riyo naare-ho nyina Yesu. Yesu na abhaanabheegha bhaache bhoose mbaare bharaghiinu, mwirugha riyo.



Hano abhaghëni :bhaare bhanywire adivaayi yoose,  
nyina Yesu akamobhoorera akabhugha, "Oo Omoona  
waane, abhaghëni ^bhakamara adivaayi." Niho nyina  
akabhabhoorera abhatamishi akabhugha, "Ghyokyose  
kino omoona waane arabhabhoorera, mukörë."



Niho Yesu akabhabhoorera abhatamishi bhaare akabhugha, "Mwichori amanche mo-chanyongo chino." Nabho bhaghataha amanche na ghwichori chabhi chanyongo chiyo.



Akamara, Yesu akabhabhoorera  
akabhugha, "Mutaha amanche,  
momuhë omwimeerereri o nyangi."  
Bhoose bhaghaköra hang'u.



Omwimeerereri aghasama amanche ghano Yesu are  
agharwire kubha adivaayi.

Iwe taamënyiri hano  
gharweriire, amare  
abhatamishi bhano  
:bhaatahiri amanche,  
mbaare bheeche. Niho  
akamobherekera  
omokwiri.



Hano ichiri, omwimeerereri uyo akabhugha, "Abhaato  
bhoose mbahaashama  
bharuusi adivaayi  
anchömu singa,  
abhaato bharamara  
kunyo na kuhaabha,  
bhamënya kurëëta  
adivaayi ino etaanyi  
inchömu. Amare  
iye ^okarumusera  
kurëëta adivaayi  
anchömu!"



Yesu :naaköriri ekyërekëri  
kino mo-moghya o Kana  
mo-muköowa o Ghariraaya.




Ekyëräkëri kiyo nikyo keere e kimbërë ghuköru  
kwërëki obhokumi bhooche obhokoro  
mo-bhaato. Gho ghayo,  
abhaanabheegha  
bhaache bhakamokumi.



Hano Yesu asöhiri mo-nyumba  
e Bheetero, akamubhöna  
nyinabhiyaara Bheetero  
amisiri a-bhorere, aghööturu  
ne ekihöönö kihaari chwee.



Mbe, Yesu akamoturi mo-kubhökö, hayo hayo akahöra ekihöönö kiire. Niho akabhooka, aghasëëma komuhökëri.




Orosiko ruyo omughörööbha, hano Eriikane resiriri,  
abhaato bha mo-moghya o Kabherenawumu mbaare  
bharamurëëtëra Yesu  
abhabhabharu bhaaru,  
na bhano :bhaare ne  
emisambu. Niho  
abhaato bhaaru  
koru mo-moghya uyo  
bhaghatëmëërana  
mo-riigho re  
nyumba e  
Simiyooni  
na Andereya.



Yesu akabhahöri abhaato bhano :bhaare  
na amabhabharu haghare haghare. Wiiki,  
akaruusi emisambu myaru, amare taghiishereriiri  
emisambu ghosiikëra, gho kubha :ngeemumënyiri  
kubha iwe n-Omoona o Ryobha.



Abhaato bhayo bhoose, mbaare bharakiibhani  
komoturi Yesu, gho kubha changuru ncheere  
cheramoru na  
kobhahöri  
bhoose.



Hano are araraghani, bhakaacha abhaato  
bhane, bhaghëghiri omooto uno akuure  
ribhaara mo-machëëra.



Bhataatoriri komusöhi  
hano Yesu are, gho kubha  
:haare ne erikinda ikoro  
re bhaato.



Bhaghatiira mo-ghisara ke  
nyumba, bhakahöbhöra  
eghisara ahaghiro hano  
Yesu are, bhakamwikeri-ho  
omubhabharu uyo anyi  
mo-machëëra ino  
are arariire.



Hano Yesu arooche  
ang'ana ino abhaato  
bhayo bhaköriri,  
akamënya kubha  
mbaare no  
obhokumi.  
Akamobhoorera  
omubhabharu uyo  
akabhugha,  
"Omoona waane,  
amasari ghaacho  
ngaabhiiru."



Niho Yesu  
akamobhoorera  
omooto uyo are  
akuure ribhaara  
akabhugha,  
"Neghakobhoorera,  
imeerera, ghëgha  
machëëra yaacho,  
oghi awaacho!"




Mbe, Yesu aghasöha mo-bhwato, abhaanabheegha  
bhaache bhakamutambana-mu. Hano  
bhahikiri ghateghate e nyancha,  
haakabha no obhukama  
bhuhaari chwee ne  
emekunda gheghasëëma  
ghokundekeri obhwato.  
Amare Yesu naare  
amisiri chandöörö.



Iwe akabhugha, "Ngwake kana moghotiina, inyu abhaato bhano moonyi no obhokumi bhosuuhu?" Niho akiimeerera, akahiinya obhukama ne emekunda ghe manche, anyancha ekahörëëra. Abhaanabheegha bhaache bhakahagha, bhakabhugha, "Uno no omooto o ngabhu koru obhukama bhuhaari ne

emekunda ghe nyancha ghekomosooka?"



Mbe, gho  
kubha Eryobha  
:ndeebhasiighiri abhaato bhoose bha  
mo-se ino, koru rekamoruusi Omoona  
waache omwene chiri, kubha omooto  
wowoose uno akomokumi  
atarumëëra, amare abhe no  
obhuhöru bho miishe  
ghyose.



### Abharuumi 3:23

gho kubha abhaato bhoose mbaköriri amasari ne eriimanya reebho retaakwërëki obhokumi obhokoro bho Ryobha.

### Abharuumi 6:23

Omooto wowoose uno anyi omusësë o masari, amareho ghaache n-oroko ro miishe ghyose. Amare itu, Eryobha ndeghotuha obhuhöru bho miishe ghyose. Obhuhöru bhuyo taanyi amareho, amare n-atuho ino toghosong'aana kohetera Kirisito Yesu, Omutëmi wiito.

### Abheebhuraaniya 9:27

Omooto woose nahaaku mara rimu hang'u, aramara ghoku, Eryobha remotenera ekiina.



## Abhaebheeso 2:8,9

Mbe, hang'u nibhu aghareeya e Ryobha ebhatooriri, gho nchëra e komokumi Yesu Kirisito. Obhotoori bhuyo bhotabhönëkiri gho ghwiköng'i koonyu, Eryobha niryo retoheere kinya atuhö. Tabhatooriri kwo maköri ghaanyu, omooto wowoose ataacha kwihacha.

## Abharuumi 10:9,10

Ang'ana iyo n-kubha, orasiikëra koru mo-monu waacho iye omwene kubha, "Yesu n-Omutëmi," na ghokumi mo-motema waacho kubha Eryobha : ndeemoryokiri koru mo-bhaku, noghotooribhu ne Eryobha. Omooto aramokumi Yesu Kirisito mo-motema waache, niho akubhareru kubha naanyi no obhuhëënë ambërë e Ryobha. Ariishereri komokumi kwo monu waache, niho aghotooribhu.



Yohana 3:16,17 Mbe, gho kubha Eryobha  
: ndeebhasiighiri abhaato bhoose bha mo-se ino, koru  
rekamoruusi Omoona waache omwene chiri, kubha  
omooto wowoose uno akomokumi atarumëëra, amare  
abhe no obhuhöru bho miishe ghyose. Eryobha  
retaamotomiri Omoona waache kubha atenere abhaato  
ekiina, amare abhaato bhatooribhu gho kohetera iwe.

1 Yohana 5:11-13 Obhuhëënë bhuyo nibho bhuno,  
Eryobha ndetoheere obhuhöru bho miishe ghyose.  
Obhuhöru bhuyo ntokobhubhöna gho nchëra e ghokumi  
Omoona waache. Wowoose uno anyi no obhumu no  
Omoona o Ryobha, naanyi no obhuhöru bhuyo. Amare uno  
ataanyi no obhumu no Omoona o Ryobha, tabhughöötë  
obhuhöru bhuyo. ^Nekabhaandëkëra amang'ana ghayo,  
inyu bhano moghokumi Omoona o Ryobha, kubha  
mumënyë moonyi no obhuhöru bho miishe ghyose.



Mataayo 8-9; Maariko1-2, 4;  
Ruuka 4, 8; Yohana 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Ikoma-Nata-Isenye Bible (ntk) © 2022 Wycliffe Bible  
Translators, Inc. All rights reserved

<https://live.bible.is/bible/NTKWYI/MAT/1>

©2024 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

